



গণপ্রজাতন্ত্রী বাংলাদেশ সরকার

তথ্য অধিদফতর

PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH



তথ্যবিবরণী

নম্বর-২৪৭

নতুন দুটি খেলার মাঠসহ ক্রীড়া ও সাংস্কৃতিক অঙ্গনের উন্নয়ন করতে চাই : মেয়র লিটন

রাজশাহী; ৩১ বৈশাখ (১৪ মে) :

আজ রবিবার (১৪ মে) বিকালে রাজশাহীর ক্রীড়া ও সাংস্কৃতিক ব্যক্তিদের সাথে শুভেচ্ছা ও মতবিনিময় সভা অনুষ্ঠিত হয়। রাজশাহী মেডিকেল কলেজের ডাঃ কাইছার রহমান চৌধুরী মিলনায়তনে আয়োজিত মতবিনিময় সভায় প্রধান অতিথি হিসেবে উপস্থিত ছিলেন রাজশাহী সিটি করপোরেশনের মেয়র এএইচএম খায়রজামান লিটন।

প্রধান অতিথি বক্তৃতাকালে মেয়র বলেন, আমি আরেকটিবার মেয়র পদে সুযোগ পেলে রাজশাহী সিটির আয়তন বৃদ্ধি, শিল্পায়ন ও কর্মসংস্থান সৃষ্টি, রাজশাহীতে স্পেশালাইজড হাসপাতালসহ চিকিৎসাক্ষেত্রে ব্যাপক উন্নয়ন করতে চাই।

তিনি আরও বলেন, প্রধানমন্ত্রী শেখ হাসিনার নেতৃত্বে বাংলাদেশের সর্বক্ষেত্রে উন্নয়ন দৃশ্যমান হয়েছে। মানুষের ভাগ্যের পরিবর্তন ঘটিয়েছেন প্রধানমন্ত্রী। আগামী ২০৩০ সালের মধ্যে বাংলাদেশ মধ্যম আয়ের দেশে পরিণত হবে। দেশের উন্নয়নের ধারাবাহিকতায় রাজশাহীকে এগিয়ে নিয়ে যেতে চাই।

মেয়র বলেন, শিল্পায়ন, কর্মসংস্থান সৃষ্টি, রাজশাহী থেকে কলকাতা পর্যন্ত ট্রেন ও বাস চালু, নৌরূট, কৃষি বিশ্ববিদ্যালয় ইত্যাদি কাজ করতে চাই। রাজশাহীর উন্নয়নে অসমাপ্ত কাজগুলো সমাপ্ত করতে চাই। কম্পিউটার ট্রেনিং সেন্টার স্থাপন করে সেখানে বিনামূল্যে কম্পিউটার প্রশিক্ষণ প্রদান করার ব্যবস্থা করতে চাই।

মতবিনিময় সভায় সভাপতিত্ব করেন রাজশাহী মহানগর আওয়ামী লীগের ভারপ্রাপ্ত সভাপতি বীর মুক্তিযোদ্ধা মোহাম্মদ আলী কামাল। সঞ্চালনা করেন সম্মিলিত সাংস্কৃতিক জোট, রাজশাহীর সাধারণ সম্পাদক দলীল কুমার ঘোষ ও রাজশাহী জেলা ক্রীড়া সংস্থার সাধারণ সম্পাদক মোঃ ওয়াহেদুল্লাহ আনু।

সভায় বক্তব্য রাখেন বীর মুক্তিযোদ্ধা আবুল হাসান খন্দকার, সিনিয়র সাংবাদিক মোস্তাফিজুর রহমান খান আলম, বিশিষ্ট উচ্চাঙ্গসংগীত শিল্পী মঙ্গুষ্ঠী রায়সহ প্রমুখ।

.....
তোহিদ/সিকান্দার/রহুল/হালিম/২০২৩/১৬.৪২ঘ.